

四庫全書

史部

欽定四庫全書

史部

欽定歷代職官表卷五十一

編修_臣 翟槐覆勘

纂修_臣 黃校勘翰林院編修_臣 馮集梧

謄錄_臣 監生 蔣濬

欽定四庫全書

欽定歷代職官表卷五十一

學政表

提督學政

三代

秦漢

後漢

三國

晉

宋齊

北魏

北齊

隋

唐

宋

遼

金

元

明

提舉學政

提舉學政

提舉學政

提舉學政

提舉學政

提舉學政

提舉學政

導訓學儒縣州府	諭教學儒縣
---------	-------

欽定歷代職官表

二

孝廉師	師 校書
孝廉師助教	
助教	
助教	縣書
	諭 縣學長縣博士
助教	
訓導	教諭
訓導	教諭

學政

國朝官制

提督學政順天山東山西河南江蘇安徽江西福建浙
江湖北湖南四川廣東廣西雲南貴州各一人陝西甘
肅一人以侍郎京堂翰林科道部屬等官
由進士出身者充各帶原銜品級奉天府一人
以奉天府
府丞充福建臺灣府一人以臺灣
道充

掌直省學校生徒考課黜陟之事以歲科二試巡
歷所屬府州進諸生而掄文藝程品行升其賢者

能者斥其不率教者凡興革事宜皆會督撫以行之三年而代

國初各省並設督學道帶按察司僉事銜以各部郎中由進士出身者循資擢用康熙二十三年御史張集疏請慎學政之選

詔下九卿詹事科道會議停論俸補授之例凡順天學政缺以侍讀侍講諭德洗馬等官簡用江南浙江學政以侍讀侍講諭德洗馬中允贊善等官簡用

其餘各省學道將應陞之五部郎中及參議道知府等官選擇開列請用嗣後不拘省分凡由翰林科道出者即為學院由部屬等官者則為學道雍正四年定制各省督學皆改為學院其以部屬簡任者依出身甲第各加翰林院編修檢討銜

各府廳等儒學教授

正七品

直隸十人山東十人山西十

人河南九人江蘇八人安徽八人江西十有三人福建十人浙江十有一人湖北九人湖南九人陝甘十有六

人四川十有二人廣東十人廣西十有一人雲南十有

五人貴州十有三人各州儒學學正正八品直隸二十有

二人山東十有一人山西十有六人河南十人江蘇六

人安徽九人江西二人福建二人浙江一人湖北七人

湖南七人陝甘二十有三人四川十有八人廣東十人

廣西十有六人雲南三十人貴州十有四人各廳縣儒

學教諭

正八品

直隸一百十有五人山東九十有一人山

西六十有一人河南九十有八人江蘇四十有六人安

徽四十有八人江西七十有五
人福建五十有八人浙江七十有六人湖北五十有四人湖南五十有七人陝甘六十有四人四川八十有六人廣東七十有三人廣西四十有二人雲南三十有二人貴州三十有三人各府廳州縣等儒學訓導

從八品

直隸一百四十人山東一

百十人山西九十有五
人河南一百五人江蘇五十有九人安徽六十有四人江西九十有一人福建七十有二人浙江八十有八人湖北七十人湖南七十有七人

陝甘一百三十有四人四川一百二十人廣東九十有
四人廣西六十有三人雲南七十有三人貴州六十人
各掌其學校生徒訓迪之事凡儒學官除江蘇安
徽兩省通用外其餘例用本省人惟同府州者避
不用初康熙三年裁各府州訓導又大縣裁訓導
小縣裁教諭十五年均復設其後縣有析置者則
訓導每移置所析縣而裁省之縣亦間存鄉學教
諭或訓導焉

歷代建置

三代

禮記王制天子命之教然後為學小學在公宮南之左大學在郊

詩小序泮水頌僖公能修泮宮也

謹案自契為司徒則教民始有專官周以司徒掌邦教而其制益詳其時鄉大夫受教法于司徒頌之鄉吏使各以教其所治而諸侯之國亦

講學行禮以歲貢其太學之秀者天子試之射
宮視其賢否以行慶讓之法然則古者長民之
官即教民之官而無俟別設其職茲故畧著周
時諸侯之學以志緣起而歷代之沿革則自漢
以下乃始得而備論之云

秦

未置

漢

漢書平帝本紀元始三年立學官郡國曰學縣道

邑侯國曰校校學置經師一人鄉曰庠聚曰序庠序置孝經師一人

謹案漢循吏傳謂文翁修起學官于成都市中
招下縣子弟以為學官弟子至武帝時乃令天
下郡國皆立學校官實自文翁始董仲舒傳亦
云復興學校之官自仲舒發之然則郡縣學校
設官自武帝始矣元始中于校學置經師于庠
序置孝經師云經師則統諸經為名云孝經師

乃止業一經者蓋郡國設太學故置經師一人
鄉聚小學故僅置孝經師考隸釋載學師宋恩
等題名有孝掾與易掾尚書掾詩掾春秋掾並
列則孝掾乃孝經掾也其設官差等當為今府
州縣學諸職所托始矣

漢書韓延壽列傳令文學校官諸生皮弁執俎豆

王尊列傳尊師郡文學官

顏師古注郡有文學官而尊事之以為師也

謹案漢梅福雋不疑蓋寬饒諸葛豐張禹列傳

皆云為郡文學而匡衡以太常掌故調補平原
文學後漢鄧禹亦云臣少嘗學問可郡文學蓋
當時太常以博學名官郡學則以文學名官隸
釋載劉熊碑陰題名有故郡文學李義亦其證
也

漢書儒林列傳元帝好儒郡國置五經百石卒史
謹案郡國學官有掾有史即五經百石卒史也
鄭崇為郡文學史後漢楊倫為郡文學掾皆即

其職張納碑陰題名文學主事掾史各一人文學掾二人史一人後漢書言百石皆由長自除不得比于下士然五經百石史各典一經與經師相羽翼視他曹小吏有別文翁選郡縣小吏開敏有材者張叔等十餘人遣詣京師受業博士知學官之中雖小吏可與博士之業然則郡國之五經百石史當近于是漢郡縣學校官吏不詳于史而金石遺文尚可補史志之闕故畧

著之

後漢書劉寬列傳典厯三郡每行縣輒引學官祭酒及處士諸生執經對講

謹案隸釋載文翁學生題名碑有文學祭酒此學官祭酒其即文學祭酒歟中部碑又有校官祭酒任延為武威太守造立校官校官即學官則校官祭酒當亦即文學祭酒矣

常璩華陽國志文翁立文學精舍永初後太守陳

留高朕更增造二石室州奪郡文學為州學郡更起文學

謹案漢以州統郡州有文學而郡又別設之則今制府各有儒學而附府縣亦有儒學者實昉諸此也

三國

三國蜀志尹默列傳先主定益州領牧以為勸學從事譙周列傳丞相亮領益州牧命周為勸學從

事大將軍蔣琬領刺史徙為典學從事總州之學者

謹案文翁學生題名碑有典學從事蜀設典學從事固漢法也勸學從事當在典學從事之下亦如今學政之下有教授學正等官也

三國魏志高柔列傳太祖撥亂之際並使郡縣立教學之官管輅列傳清河太守華表召為文學掾冀州刺史裴徽辟為文學從事

王應麟玉海魏樂祥為河東文學祭酒

謹案管輅以文學掾辟為文學從事則文學從事當即勸學從事之類也

三國吳志孫瑜列傳領丹陽太守立學官臨饗講肄

晉

晉書熊遠列傳郡辟為文學掾孟嘉列傳庾亮領江州辟部廬陵從事轉勸學從事

宋書禮志晉征西將軍庾亮在武昌開置學官教
曰今王道隆盛便處分安學校處所籌量起立講
舍參佐大將子弟悉令入學吾家子弟亦令受業
四府博學識義通涉文學經綸者建儒林祭酒使
班同三署皆妙選邦彥以充此舉近臨川臨賀一
郡並求修復學校可下聽之

謹案儒林祭酒當即漢之所謂文學祭酒學官
祭酒校官祭酒也庾亮欲敦明庠序旋即廢罷

其後尚書謝石又請班下州郡普修學校亦未見施行則所謂久廢之典卒難興復者江左之所以不振也

宋齊梁陳

杜佑通典宋職掌人孝經師

謹案宋有孝經師蓋仍襲漢制然不在九品之數而與門亭長等並稱職掌人則其官微矣

南齊書豫章王嶷列傳為南蠻校尉荆湘二州刺

史于南蠻園東南開館立學置儒林參軍一人文學祭酒一人勸學從事二人王秀之列傳豫章王于荊州立學以秀之領儒林祭酒

謹案儒林參軍在文學祭酒之上疑如前代典學從事之比也

王海梁元帝為荊州起州學置儒林參軍勸學從事

謹案梁天監四年分遣博士祭酒到州郡立學

而官品十八班內有揚南徐州文學從事南兗
州文學從事荊河司益廣青五州文學從事北
徐北兗梁交南梁五州文學從事越桂寧霍四
州文學從事此皆文學之設于州者以漢制準
之則州之文學當如郡之文學其名以從事或
亦即勸學從事之類歟

北魏

魏書高允列傳請制大郡立博士二人助教四人

學生一百人次郡立博士二人助教二人學生八十人中郡立博士一人助教二人學生六十人下郡立博士一人助教一人學生四十人

謹案魏天安初詔立鄉學郡置博士二人助教二人其復從高允所請乃更其制又魏官品從八品有司州文學據諸郡皆設博士助教而于司州仍襲漢文學之名則司州文學當如今京府教授也

北齊

北齊書儒林列傳齊制諸郡並立學置博士助教
隋書房暉遠列傳齊南陽王綽為定州刺史詔為
博士

後周

周書薛慎列傳太祖于行臺省置學取丞郎及府
佐德行明敏者充生以慎為學師以知諸生課業

謹案周于行臺省置學其學生以丞郎及府佐

充與歷代州郡立學之制不同然亦一時之別制也附著于此

隋

隋書柳昂列傳隋文帝受禪昂見天下無事請勸學行禮自是天下州縣皆置博士習禮焉

謹案隋高祖仁壽元年廢天下學迨煬帝復開庠序而郡縣之學盛于開皇初其時之為學官者如孔穎達為河南郡博士潘徽為揚州博士

劉焯為冀州博士皆其可紀者也

唐

唐六典京兆河南太原府經學博士一人從八品
上助教二人學生八十人大都督府經學博士一
人從八品上助教二人學生六十人都督府經
學博士一人從八品下助教二人學生六十人下
都督府經學博士一人從八品下助教一人學生
五十人上州經學博士一人從八品下助教二人

學生六十人中州經學博士一人正九品上助教
一人學生五十人下州經學博士一人正九品下
助教一人學生四十人萬年長安河南洛陽奉先
太原晉陽博士一人助教一人學生五十人京兆
河南太原諸縣諸州上縣博士一人助教一人學
生四十人諸州中縣博士一人助教一人學生二
十五人諸州中下縣諸州下縣博士一人助教一
人學生二十人博士專以經術教授諸生

新唐書百官志西都東都北都鳳翔成都河中江陵興元興德府文學一人從八品上掌以五經授諸生縣則州補州則授于吏部武德初置經學博士助教學生德宗即位改博士曰文學元和六年廢中州下州文學京兆等三府助教二人學生八十人大都督上州各助教一人中都督府學生五十人下府下州各四十人

謹案漢郡國有文學北魏以下則為博士助教

之官唐德宗改博士曰文學蓋復其舊號故新志
與六典所稱各異

新唐書百官志大都督府文學一人正八品下中都
督府文學一人從八品上下都督府文學一人從
八品下上州文學一人從八品下凡縣皆有經學
博士助教各一人京縣學生五十人畿縣四十人
中縣以下各二十五人

謹案唐制凡學生隨府州之上中下為多少而

文學官品亦異蓋學生多則訓教廣少則殺焉
故文學官亦因之為高下也

新唐書選舉志縣學生州縣長官補長史主焉每
歲仲冬州縣館監舉其成者送至尚書省

謹案唐州縣學生以長史主之蓋長史為都督
刺史之佐實領州縣之事故州縣學生並屬焉
其不言諸文學者文學惟司訓教不關選補也
然則唐之府州長史有如明提學副使僉事之

比而亦今京府府丞充提督學政之比也

五季

馬端臨文獻通考後唐天成三年宰臣兼判國子祭酒崔協奏請頒下諸道州府各置官學

宋

宋史職官志提舉學事司掌一路州縣學政歲巡所部以察師儒之優劣生員之勤惰而專刺舉之事崇寧二年置宣和三年罷

謹案自漢武帝時天下郡國皆立學校官嗣後頗相沿襲然多于郡邑設之未嘗于一路統設監司總郡邑諸學也唐李栖筠等之議請于十道大郡置太學館遣博士出外兼領郡官以教生徒與明制各省之設提學副使僉事者意已相近然其議不行宋元符二年初令諸州行三舍法諸路選監司一員提舉學校守貳董幹其事則提舉學事司之所自始矣宋選舉志謂貢

士至太學試中上等或預升舍人多其本貫監
司太守推賞有差所謂監司即提舉學校官太
守即董幹其事者也文獻通考載崇寧五年貢
士至辟雖不如令者凡三十有八人皆遣歸而
提學官皆罰金蓋當時以貢士優劣定提學賞
罰之格如令則賞不如令則罰也選舉志謂諸
路選監司提舉學校在元符二年而職官志乃
謂崇寧二年置提舉學事司或元符二年始以

監司提舉至崇寧二年乃專設提舉學事司歟
又考紹興十八年國子監參酌諸州軍如未差
教授處即令本路提舉司于本州有出身官選
差一員兼領二十一年大理寺主簿丁仲京奏
贍學田多為勢家侵佃望令提舉學官覺察既
而戶部請令提舉司置籍勾管慶元二年吏部
尚書葉翥請令太學及州軍學各以月試合格
前三名程文上御史臺考察其有舊習不改則

坐學官提學司之罪然則提舉學事司雖罷于宣和三年而其後仍復設之今制于各省設提督學政蓋昉乎此矣

王明清揮麈前錄政和中詔天下州縣官皆帶提舉管勾學事時姚麟以節度使守蔡州建言乞免繫階朝廷許之靖康初除去紹興中復增但改庶官為主管尋降旨武臣帥守並免入銜

謹案州縣官皆帶提舉管勾學事蓋即所謂守

貳董幹其事者也其後諸縣學委知通于令佐
內選有出身官一員兼領教導職事若州縣官
俱無出身只令本學長諭專主教導却令知州
縣令覺察點檢此武臣帥守所由俱免以提舉
管勾學事繫銜歟

宋史職官志教授景祐四年詔藩鎮始立學他州
勿聽慶厯四年詔諸路州軍監各令立學學者二
百人以上許更置縣學自是州郡無不有學始置

教授以經術行義訓導諸生掌其課試之事而糾
正不如規者委運司及長史于幕職州縣內薦或
本處舉人有德藝者充熙寧六年詔諸路學官委
中書門下選差至是始命于朝廷元豐元年州府
學官共五十三員諸路惟大郡有之軍監未盡置
元祐元年詔齊廬宿常等州各置教授一員自是
列郡各置教官建炎三年教授並罷紹興三年復
置四十二州十二年詔無教授官州軍令吏部申

尚書省選差二十六年詔並不許兼他職令提舉
司常切遵守若試教官則始于元豐添差教授則
始于政和

謹案宋設教授為今之教授所自始其以本處
舉人充亦為今學官皆用本省人所自始宋初
有石鼓廬阜嶽麓睢陽四書院又有嵩陽書院
茅山書院各有師徒錫之經傳然未建州學乾
興元年兗州守臣孫奭私建學舍聚生徒乞請

太學助教楊光輔充本州講書從之此為州鎮立學之始其後令州若縣皆立學本道使者選部屬官為教授員不足取于鄉里宿學有道業者神宗初令中書採訪逐路有經術行誼者權教授並選薦京朝官蓋學官選薦之重如此其後又詔諸州學官赴學士院試而後選又有侍從臺諫國子長貳歲舉之制則今制學官由吏部銓選由巡撫考試與舉而兼試之制略同

李燾國史長編崇寧二年五月詔廣州漳州各添
置教授一員六月詔縣學生不及二十人處許依
州學例并附近大縣一處教養給諸州州學印三
年六月江東路提舉學事司言諸州皆已置學惟
廣德軍附宣州今學者漸多乞自置學從之仍詔
諸路州軍未曾置學處並置學

謹案宋元豐初大興學校而天下之教授止五
十三員至崇寧中而天下無不置學之州軍今

之各府州縣盡設學官昉乎此也若縣學生不及二十人處許附大縣一處教養則正如今之衛學鄉學繫于附近縣學爾

玉海大中祥符元年十一月幸曲阜縣謁文宣廟
二年二月詔就廟立學舍

謹案魏黃初二年令魯郡修孔子廟又于其外
廣為室屋以居學者此為就廟立學之始而教
職官舍今亦即附至聖廟蓋即以所業之地視

其居也又宋慶厯二年詔兩制舉官為武學教授三年置武學于武成王廟以太常丞阮逸為教授慶元五年詔諸州學置武士齋宮按武藝今制學政歲試校士兼及文武生員童生而習武之生童未嘗別立武教職以統之則文武並轄勝于一切紛紛之制矣

遼

王圻續文獻通考遼南面黃龍府學官曰博士曰

助教興中府學設官同縣亦設學有博士助教

遼史大公鼎列傳改良鄉令建孔子廟學部民服
化

謹案遼以兵經畧方內禮文之事視古多闕故
畧撫見于傳者以存其概

金

金史百官志諸府教授一員諸節鎮教授一員諸
防禦州教授一員

謹案金于大興府及東京北京上京河東東西
路山東東西路等處並設女直教授一員其所
職當與諸府教授不同附著于此

金史選舉志府學大定十六年置凡十七處共千
人以嘗與廷試及宗室皇家袒免以上親并得解舉
人為之後增州學遂加以五品以上官曾任隨朝
六品官之兄弟子孫餘官之兄弟子孫經府薦者
同境內舉人試補三之一凡試補學生以提舉學

校學官主之

謹案宋制學生以州縣官選補長史主之而金
則以提舉學校及學官主之蓋既設提舉學校
專官同于監司之任自不得僅以州縣選補又
別以長史主之也今制學政歲科二試取士此
正如所云補試學生以提舉學校官主之者然
其試也必由縣府若州試乃與院試則亦兼參
宋代州縣選補之法焉

元

元史百官志儒學提舉司秩從五品各處行省所
署之地皆置一司統諸路府州縣學校祭祀教養
錢糧之事及考校進呈著述文字每司提舉一員
從五品副提舉一員從七品吏目一員司吏二人
謹案元于江浙湖廣江西三行省置蒙古提舉
學校官提舉一員從五品同提舉一員從七品
蓋亦猶金大興府等處之設女直教授也

元史選舉志至元二十八年令江南諸路學及各縣學內設立小學選老成之士教之其他先儒過化之地名賢經行之所與好事之家出錢粟贍學者並立為書院凡師儒之命于朝廷者曰教授路府上中州置之命于禮部及行省及宣慰司者曰學正山長學錄教諭路州縣及書院置之路設教授學正學錄各一員散府上中州設教授一員下州設學正一員縣設教諭一員書院設山長一員

凡路府州書院設直學以掌錢穀

謹案宋于州縣學官俱設教授至元又增設學
正教諭則今制于府設教授州設學正縣設教
諭實始諸此第宋元以前州有上中下之分元
于下州設學正而上州中州則設教授以進擬
于府與今制稍異也

陶宗儀輟耕錄凡學宮朔望講說所屬上司官或
省憲官至自教授學官暨學賓齋諭等皆講說一

書錢伯全作訓導時行刑官至講欽哉欽哉惟刑
之恤哉講畢稱賞不已

謹案漢何武為刺史行部必先即學官見諸生
試其誦論問以得失如今制凡學政及各上司
官蒞學則學官弟子每講說一書其制實昉乎
此且據輟耕錄所載則元之學官已有所謂訓
導者而元史百官志無其文疎漏甚矣

明

明史職官志都察院十三道監察御史提督學校
兩京各一人萬厯末南京增設一人○按察司副
使僉事提督學道十三布政司各一員惟湖廣二
員

謹案明制兩京督學以御史蓋兩京不設按察
司故以御史督學兼重其選所以尊京畿則今
制各省學政多以京官簡充實本諸此

明史職官志儒學府教授一人

從九品

訓導四人州

學正一人訓導三人縣教諭一人訓導二人教授
學正教諭掌教誨所屬生員訓導佐之凡生員廩
膳增廣府學四十人州學三十人縣學二十人附
學生無定數儒學官月課士子之藝業而獎勵之
凡學政遵卧碑咸聽于提學憲臣提調府聽于府
州聽于州縣聽于縣其殿最視鄉舉之有無多寡
明初置儒學提舉司洪武二年詔天下府州縣皆
立學十三年改各州學正為未入流

先是從九品

二十

四年定儒學訓導位雜職上三十一年詔天下學官改授旁郡州縣正統元年始設提督學校官又有都司儒學行都司儒學衛儒學以教武臣子弟俱設教授一人訓導二人河東又設都轉運司儒學制如府其後宣慰安撫等土官俱設儒學

謹案明制生員入學初由巡按御史布按兩司及府州縣官正統元年始特設提學官景泰元年罷天順六年復設各賜勅諭十六條俾奉行

之直省既設提學有所轄太廣及地最僻遠歲
行巡所不能及者乃酌其宜口外及各都司衛
所土官以屬分巡道員直隸廬鳳淮陽滁徐和
以屬江北巡按湖廣衡永郴以屬湖南道辰靖
以屬辰沅道廣東瓊州以屬海南道甘肅衛所
以屬巡按御史亦皆專敕行事萬厯四十一年
南直隸分上下江湖廣分南北始各增提學一
員提學之職專督學校不理刑名所受詞訟重

者送按察司輕者發有司直隸則轉送巡按御史督撫巡按及布按二司亦不許侵提學職事也又明初優禮師儒教官或擢給事御史然鉗束亦甚謹初教官考滿兼覈其歲貢生員之數後以歲貢為學校常例乃定學官考課法專以科舉為殿最九年任滿核其中式舉人府九人州六人縣三人者為最其教官又考通經即與陞遷舉人少者為平等即考通經亦不遷舉人

至少及全無者為殿又考不通經則黜降生員
之數初定府學四十人州縣以次減其十未幾
即命增廣不拘額數宣德中定增廣之額土官
子弟許入附近儒學無定額諸生上者中式次
者廩生年久充貢或選拔為貢生提舉官歲試
校文之外令教官舉諸生行優劣者一二人賞
黜之以為勸懲此其大較也然明之提學官既
帶按察司銜即不得不少屈于督撫徃徃阿附

遷就不能自舉其職而為學官者又多取諸歲貢之士大率闕冗疲老無以為諸生表率以致鼓篋之徒把持上官侵噬百姓聚黨成羣投牒呼譟論者徒歸咎于養士之不精而不原于制法之未善則亦非為通論也我

朝右文重道超軼前古各省學政俱以京官簡任我

皇上復加意整飭凡學政受事必

訓諭諄至期以端士習而正文體至若銓授教職必
令督撫親加考驗列等第以別用舍而學政巡
歷所至又考其文藝師範黜其不稱職者記曰
師道立而善人多又非獨

文治光昌而已也

欽定歷代職官表卷五十一

欽定四庫全書

欽定歷代職官表卷五十二

司道表

布	政	使
秦		
漢		
後漢		
三國		
晉		
<small>宋齊</small>		
<small>梁陳</small>		
北魏		
北齊		
後周		
隋		
唐	<small>驛使</small>	<small>度支營</small>
五代		
宋	<small>都轉運使</small>	<small>提舉常</small>
遼	<small>使</small>	<small>平司</small>
金	<small>都使</small>	
元	<small>知政事</small>	
明	<small>政使</small>	

事都司政布	問理司政布	歷經司政布
-------	-------	-------

判官

推官

推官

字

蘇軾

北

經池

煙

理問

都司判都事
官

都

使察按同各道使大庫司政布磨照司政布

現代職官表

蠲使

提點刑獄使
獄公事 接應諸

道刑獄便

訪使

庫大使
倉大使

字

都孔目照磨

照應

按察司經歷 按察司知事 按察司照磨

判官

推官

判官

縣判官
檢法官

判官

掾

經歷

掾

經歷

掾

照磨

照磨

各省兵備水利屯田等道

奏監

撫臺主
團練使
提舉茶
團練使
使
防禦使
防禦使
馬言
渠諸司

屯田使
派管糧
團練使
防禦使
使
撫臺主
水利
營務派
營務派
巡撫清
軍糧線
營務

司道

國朝官制

承宣布政使司布政司

從二品

直隸山東山西河南江寧

蘇州安徽江西福建浙江湖北湖南陝西甘肅四川廣東廣西雲南貴州各一人

布政使掌一省之政司錢穀之出納

朝廷有德澤禁令承流宣布以達于有司闔省僚屬以時頒其祿俸滿秩廉其稱職不稱職報督撫以

達于吏部十年會戶版均稅役登民數田數以達于戶部凡有大興革及諸政務會議經畫定報于督撫而行之

國初每省設承宣布政使司置左右布政使各一人順治十八年分江南布政使司為江蘇安徽各二人康熙二年分陝西布政使司為陝西甘肅各二人三年分湖廣布政使司為湖北湖南各二人六年去左右繫銜每省止設布政使一人初以直隸

近在畿甸不設藩司以口北守道兼山西布政司
銜康熙八年增設直隸守道一人總司錢穀雍正
二年改為布政使乾隆二十五年分江蘇布政使
為江寧蘇州各一人

布政使司經歷

從六品

直隸山東山西河南江蘇安徽江

西福建浙江湖北陝西四川廣東廣西雲南貴州各一

人理問

從六品

直隸江寧蘇州江西浙江湖南陝西雲南

各一人都事從

七品

江南福建各一人照磨

從八品

山西福

建浙江湖北甘肅四川廣東各一人庫大使

正八品

直隸

山東山西河南江寧蘇州安徽江西福建浙江湖北湖

南陝西甘肅四川廣東廣西雲南貴州各一人倉大使

從九品安徽一人

經歷掌出納文書理問掌勘核刑名都事掌受發

文移照磨掌照刷卷宗庫大使掌司庫藏之出入

倉大使掌檢稽倉庾經歷等官員額俱康熙六年

定直隸員額雍正二年定理問初各布政使俱設

惟貴州不置康熙三十八年省福建廣東廣西四川各一人雍正二年又省山東山西河南安徽湖北甘肅各一人乾隆二十五年增設江寧一人都事初置福建河南江西山西布政司各一人康熙三十八年省江西山西二人照磨初各布政司俱置康熙三十八年省山東河南廣西雲南江蘇安徽江西陝西湖南貴州各一人庫大使初置山西三人江南湖廣各二人浙江江西福建山東河南

陝西廣東雲南貴州各一人後西山西省二人乾隆
元年又增置直隸甘肅四川各一人二十五年增
設江寧一人又初置有各布政司檢校庫副使寶
源局大使副使等官後俱省

提刑按察使司按察使

正三品

直隸山東山西河南江蘇

安徽江西福建浙江湖北湖南陝西甘肅四川廣東廣
西雲南貴州各一人

按察使掌全省刑名按劾之事振揚風紀澄清吏

治大者與藩司會議以聽于部院理合省之驛傳
三年大比為監試官大計為考察官秋審為主稿
官與布政使稱兩司員額順治間定河南陝西湖
廣分省添設與布政使同初直隸不設臬司以大
名巡道兼河南按察使銜通永天津道俱兼山東
按察使銜霸昌井陘道俱兼山西按察使銜康熙
八年增設直隸巡道一人總理刑名三十八年省
井陘道雍正二年改直隸巡道為按察使

按察使司經歷

正七品

直隸山東山西河南江蘇江西福

建浙江湖北陝西四川廣東廣西雲南各一人知事

正八品

品

江西一人照磨

正九品

安徽福建浙江湖南甘肅廣東

貴州各一人司獄

從九品

直隸山東山西河南江蘇安徽

江西福建浙江湖北湖南陝西四川廣東廣西雲南貴

州各一人

經歷照磨掌職與布政司屬同知事掌勘察刑名

司獄掌管理繫囚經歷等官員額俱康熙六年定

直隸員額雍正二年定知事初設江西福建山西
廣東廣西各一人康熙三十八年裁福建山西廣
東廣西各一人照磨初每省一人康熙三十八年
裁山東河南江西廣西雲南江蘇陝西山西湖北
四川各一人又初置有各省檢校後俱省

各道

初制參政道從三品副使道正四品參議道從四
品僉事道正五品乾隆十八年省去銜俱改為

正四品

直隸口北道霸昌道通永道天津道清河道大名

道熱河道各一人山東督糧道濟東泰武臨道登萊青

道兗沂漕道各一人山西冀寧道河東道雁平道歸綏
道各一人河南開歸陳許道糧鹽道南汝光道河北道
河陝汝道各一人江南江安糧儲道蘇松糧儲道常鎮
通道松太道鹽巡道鳳廬道寧池太廣道各一人浙江
督糧道鹽法道寧紹台道溫處道杭嘉湖道金衢嚴道
各一人江西督糧道鹽法道廣饒九南道吉南贛寧道
各一人福建督糧道鹽法道興泉永道延建邵道汀漳
龍道臺灣道各一人湖北督糧道鹽法道荆宜施道安

襄鄖道武漢黃德道各一人湖南糧儲道鹽法長寶道
衡永郴桂道岳常澧道辰永沅靖道各一人陝西督糧
道鹽法道潼商道漢興道延榆綏道各一人甘肅甘涼
道平慶道鞏秦階道蘭州道寧夏道西寧道安肅道鎮
廸道各一人四川鹽茶馬道松茂道川東道建昌道永
寧道川北道各一人廣東督糧道惠潮嘉道肇羅道雷
瓊道南韶連道高廉道各一人廣西蒼梧道左江道右
江道各一人雲南糧儲道鹽法道迤西道迤東道迤南

道各一人貴州督糧道貴西道古州道各一人

分守分巡及糧儲鹽法各道或兼兵備或兼河務
或兼水利或兼學政或兼茶馬屯田或以糧鹽兼
分巡之事皆掌佐藩臬覈官吏課農桑興賢能礪
風俗簡軍實固封守以倡所屬而廉察其政治

國初設布政司左右叅政叅議曰守道設按察使副
使僉事曰巡道有通轄全省者有分轄三四府州者
各以職事設立於要地後因時裁設銜額無定均

視其陞補之本職為差如由京堂等官補授者為
參政道由掌印給事中知府補授者為副使道由
科道補授者為參議道由郎中員外主事同知補
授者為僉事道守巡皆同乾隆十八年省去參政
叅議副使僉事等銜定為守巡各道職秩彌昭畫
一焉

各道庫大使

從九品

直隸山東江西福建浙江湖北湖南

雲南各一人江蘇二人倉大使

未入流

陝西廣東各一人

庫倉大使掌各道之庫藏倉庾皆因所掌之事先
後設定員額

歷代建置

謹案監司分職實為方面之重任劉昭續漢書註
引晉太康詔曰二千石專治民之重監司清峻
於上吳曾能改齊漫錄引晉徐邈與范甯書曰
擇公方之人以為監司謂監司之名始此蓋皆
指當時刺史言之至于藩臬分職考之于古惟

唐轉運觀察諸使為之權輿至宋之轉運使掌
經度一路財賦吏蠹民瘼悉條以上達為今布
政使之所由始提點刑獄掌察所部獄訟平其
曲直及專舉刺官吏之事為今按察司之所由
始溯而上之漢代專重郡守其臨郡國之上者
惟十三部刺史蓋郡守地大而權重有事得以
專達秩至二千石如今之二三品治效著聞則
璽書勉勵增秩賜金其高第即入為卿相故朝

廷不復多設官以臨制之惟刺史以下大夫而
臨二千石職專舉刺八月行部錄囚徒考殿最
歲盡入奏所薦得為九卿所劾輒從黜罷是刺
史一官固兼有今日司道之任也魏晉以後刺
史益重其兼都督帶持節者已如今日之督撫
即單車刺史專制一方亦別無大府以臨其上
然綜理郡縣而受其成為守令風教之所自出
則其司存有由來也隋始罷州惟立總管唐則

有採訪按察觀察處置之名轉運租庸度支營
田之職兩司分理實啟其概而諸道分巡防禦
團練又為守巡兵備之所托始蓋監司之設至
是漸廣宋裁藩鎮之權而帥漕憲倉之職始重
元立行省藩司之職實寓於叅知政事復設肅
政廉訪以重提刑之寄明初亦設行省旋改叅
知政事為承宣布政使其提刑按察使則即宋
提點元廉訪之舊職而參政叅議副使僉事諸

職備焉惟是兩司上承督撫而復叅之以巡按
雖倣漢氏刺史之遺意而統蒞為太煩下轄諸
道而均繫以藩臬之銜亦未足以專其表率也
我

朝監古定制兩司諸道各專其職以倡率府縣而
歸其成于督撫綱紀肅清酌繁簡而立其中有
非前古所可企及者今厯考前史自唐之轉運
使觀察使始列於表其前此者如成周之方伯

秦之監御史漢以後之刺史職掌相近而品秩較異則並隨條疏證於後以明其同異分合之故而不復列於表焉

三代

周禮春官大宗伯注鄭司農云長諸侯為方伯
謹案布政使稱曰藩司亦稱方伯考周申侯為
宣王方伯式是南邦而藩宣咏於周雅蕃即藩
也藩司肇名蓋由於此其以承宣繫銜亦本於

金匱要略卷五十二
此惟古之方伯實長諸侯之國即以侯伯之賢者為之非今藩司所可比擬而統臨諸國督率全省與今藩司之表率各府州縣約略相等故叙列其概以稽稱名之故也

尚書康誥外事汝陳時臬司師茲殷罰有倫

謹案按察使稱為臬司臬法也其語始見於康誥考呂祖謙尚書精義云外事衛國之事康叔為周司寇王朝之官職任內事故以衛國為外

事又考孔穎達尚書疏云孟侯五侯之長謂方伯康侯為之即州牧也是康叔以列侯為方伯而康誥一篇於明罰勅法三致意焉蓋實今日方面提刑之所托始而臬司所由稱也厥後呂刑之詰四方一則曰四方司政典獄非爾惟作天牧一則曰官伯族姓其訓戒于四方牧伯尤為惓惓知成周之制九州牧長皆重訓刑之職矣

禮記王制天子使其大夫為三監監於方伯之國
國三人孔穎達疏謂使在朝之大夫往監於方伯
每一州輒三人崔氏云此謂殷之方伯皆有三人
以輔之佐其伯謂監所領之諸侯也周則於牧下
置二伯

謹案今各道為藩臬之佐亦稱監司考王制所
稱以大夫而監方伯之國以一國而監者三人
其官品尊卑官數多少與今道員約略相合崔

氏言三人輔佐方伯以監所領之諸侯明非監
方伯也亦與今日各道輔佐藩臬監所領之府
州規制相同惟古時未詳分職今則以事區別
所掌體制稍殊然國必三人固知各有所司之
事特世遠莫詳耳三監之使實為漢唐以來分
部分道命始巡察之始而道員為諸侯之副佐
是大夫為監者固諸道之權輿也

秦

漢書百官公卿表監御史秦官掌監郡

杜佑通典秦以御史監郡謂之監御史

謹案秦罷侯置守並方伯連帥而悉去之惟以
御史監郡而不言職掌蓋猶周代大夫監之遺
意耳秦制簡略無可附麗今故錄其監郡御史
之制而不列于表

漢

漢書百官公卿表武帝元封五年初置部刺史掌

奉詔條察州

顏師古注漢官典職儀云刺史班宣周行郡國省察治狀黜陟能否斷治

寬獄以六條問事非條所問即不省一條強宗豪右田宅踰制以強凌弱以衆暴寡二條二千石不本詔書違承典制倍公向私旁詔守利侵漁百姓聚歛為姦三條二千石不恤疑獄風厲殺人起則任刑喜則浮賞煩擾勅暴剥截黎元為百姓所疾山崩石裂妖祥訛言四條二千石選署不平苛阿所愛蔽賢寵頑五條二千石子弟恃怙榮勢請託所監六條二千石違公下比阿附豪強通行貨賂割損正令也

成帝綏和元年更名牧哀帝建平二年復

為刺史元壽二年復為牧

王應麟玉海黃泰交州記曰刺者言其刺舉不法

史者使也言為天子之所使也

漢書何武列傳刺史古之方伯上所委任一州表率也

謹案漢初易秦監御史為刺州而御史不設然考刺史行部御史為駕又六條所察有二千石子弟請託所監之文是監御史亦未盡省也刺史之職有可考者六條之中一條以察民五條以察吏如所云田宅踰制云不奉詔書云選署

不平則如今布政使之所治也云不恤疑獄云
二千石違公下比阿附豪強則如今按察使之
所糾也其治有常所乘傳行部則今守巡諸道
職亦兼之惟是任重秩輕名實不副後遂以州
牧遞易紛紜不定且前漢之州牧雖與刺史異
秩而職事亦無大殊蓋漢時吏治專責成于郡
守而刺史之所以設者亦止以督察二千石朱
博稱刺史不察黃綬明不使之盡與郡國之事

也其與今之兩司綜理全省體分隆而委任專者規制固有不同特其職掌所在郡國分而理之刺史總而臨之其統轄諸事有相近者故約舉於篇以溯司道諸職之所緣起而不列于表俾毋與督撫沿革相溷焉

後漢書百官志外有十二州每州刺史一人六百石本注曰武帝初置刺史十三人十二人各主一州其一州屬司隸校尉諸州常以八月巡行所部

郡國錄囚徒考殿最初歲書詣京都奏事中興但因計吏皆有從事史假佐

通典漢置刺史乘傳周行郡國無適所治中興所

治有定處

按漢舊儀云刺史有常治所與此異

或謂州府為外臺靈

帝中平五年改刺史唯置牧是時天下方亂豪傑各欲據有州郡而劉焉劉虞並自九卿出領州牧州牧之任自此重矣舊制州牧奏二千石長吏不任位者事皆先下三公三公遣掾史按驗然後黜

退光武即位用法明察不復委三府故權歸舉刺之吏

謹案後漢刺史與前漢同而職任漸重黜陟官吏不經三府按驗厥後羣牧專制中原擾攘蓋已首啟其端矣

三國

三國魏志賈逵列傳逵為豫州刺史時天下初復州郡多不攝逵曰州本以御史出監諸郡以六條

詔書察長吏二千石已下故其狀皆言嚴能鷹揚
有督察之才不言安靜寬仁有愷悌之德也于是
阿縱不如法者皆奏免之帝曰遠真御史矣布告
天下當以豫州為法

通典自魏以來庶姓為州而無將軍者謂之單車
刺史

劉昭後漢書志注晉太康初詔曰漢末四海分裂
吳蜀自擅刺史內親民事外領兵馬此一時之宜

爾

謹案三國刺史承後漢之積重其流遂分為二
使持節都督持節刺史起于魏時權如今之督
撫太康詔所云者是也單車刺史職如今之司
道賈逵所職者是也當時以嚴能督察為真刺
史蓋偏近于按察使之任實因秦漢之舊制而
其任則加重也

晉

晉書職官志州置刺史別駕治中從事諸曹從事等員所領中郡以上及江揚朱提郡郡各置部從事一人小郡亦置一人又有主簿門亭長錄事記室書佐諸曹佐守從事武猛從事等凡吏四十一人卒二十人諸州邊遠或有山險濱近寇賊羌夷者又置弓馬從事五十餘人徐州又置淮海涼州置河津諸州置都水從事各一人涼益置吏八十五人卒二十人荊州又置佃佃督一人

玉海王隱晉書曰太康三年罷刺史將軍官刺史
依漢制三年一入奏事

通典晉制刺史三年一入奏甲午詔書曰刺史銜
命國之外臺其非所部而在境者刺史并糾之

謹案晉置刺史如漢制三年入奏在境并糾蓋
斟酌漢制而變通之者其佐更有武猛從事弓
馬從事淮海河津都水從事監佃督諸員略如
今之巡海水利屯田諸職惟今日則以方面大

員兼理諸政非僚佐之可得比擬故比錄史文以見其概而不列于表焉

宋齊梁陳

宋書百官志刺史每州各一人刺之為言猶參覘也寫書亦為之刺漢書不得刺尚書事是也刺史班行六條詔書有別駕從事史治中從事史主簿西曹書佐祭酒從事史議曹從事史部郡從事史自主簿以下置人多少各隨州舊無定制

通典宋刺史與魏同

南齊書百官志州牧刺史州朝置別駕治中議曹
文學祭酒諸曹部從事史

隋書百官志梁制州刺史二千石州置別駕治中
從事各一人主簿西曹議曹從事祭酒從事部傳
從事文學從事各因其州之大小而置員定為十
八班以班多者為貴其州二十三並列其高下選
擬略視內職○陳承梁皆循其制官具庶姓為州

若無將軍者謂之單車揚州刺史南徐東揚州刺史品並第三荆江南兗郢襄雍等州刺史品並第四豫益廣衡等州青州領冀州北兗州北徐等州梁州領南秦州司南梁交越桂霍寧等十五州刺史揚州別駕中從事品並第六庶姓南徐荆江南兗郢襄雍等州別駕中從事品並第八庶姓豫益廣衡青冀北兗北徐梁秦司南徐等州別駕中從事揚州主簿西曹及祭酒議曹二從事南徐州主

簿西曹祭酒議曹二從事品並第九

謹案宋齊梁陳刺史之制與魏晉同其時州之分置者漸多而刺史亦以漸衆惟其以州統郡兼理兵民不僅專舉察之事又因其州之上下定為上中下三等州地雖分析而日小而監司之權要與後漢無異也

北魏

魏書官氏志天賜二年制諸州置三刺史刺史用

品第六者宗室一人異姓二人比古之上中下三
大夫也刺史令長各之州縣自前功臣為州者還
京師司州牧從第二品上州刺史第三品中州刺
史從第三品下州刺史第四品司州別駕從事史
司州治中從事史從第四品司州主簿從第七品
司州西曹書佐祭酒從事史第八品司州議曹從
事史司州文學從第八品

謹案魏書有三刺史而不列刺史之佐以司州

諸佐考之則每州皆有別駕治中主簿等員可
以類推亦猶漢晉之制也

北齊

隋書百官志後齊制官多從後魏州刺史屬官有
別駕從事史治中從事史州都光迎主簿主簿西
曹書佐市令及史祭酒從事史部郡從事卑服從
事典籤及史門下督省事都錄事及史箱錄事及
史朝直刺姦記室掾曹田曹金曹租曹兵曹左戶

等掾史等員上上州屬官佐史合三百九十三人
上中州減上上州十人上下州減上中州十人中
上州減上下州五十一人中中州減中上州十人
中下州減中中州十人下上州減中下州五十人
下中州減下上州十人下下州減下中州十人
通典北齊制州為上中下三等每等又有上中下
之差自上上州至下下州凡九等

謹案刺史之職所以統率屬郡魏既分為三等

北齊又分為九等則稱名繁碎而體制亦以漸替矣此隋代改州為郡之漸也

後周

周書盧辯傳戶三萬以上州刺史正八命戶二萬以

上州刺史八命戶一萬以上刺史正七命戶五千以上

刺史七命正八命州長史司馬司錄六命八命州長史

司馬司錄五命正七命州長州史司馬司錄八命州

呼藥五命七命州長史司馬司錄正八命州別駕八

命州呼藥

正四品

正六命州長史司馬司錄正七命

州別駕正八命州治中正七命州呼藥

正四品

正八命

州列曹參軍正六命州別駕正七命州治中七命

州呼藥

正三品

八命州列曹參軍正六命州治中正

六命州呼藥

正三品

正七命州列曹參軍

正二品

七命州

列曹參軍

正二品

正六命州列曹參軍

正一品

謹案後周官制史文不詳茲據錄盧辯傳所載
命數以存其大概其刺史按戶之多寡分為四

等蓋循後魏上中下之制而稍變通之其與北
齊之三刺史又分為三等者規制不同考七命
之戶五千以上之刺史在戶一萬五千郡守之
上可知以州統郡刺史雖自有屬戶而列郡大
小仍在統轄之中亦如唐宋監司既自治民并
監郡縣也其屬官各員遞為等差與漢晉以來
大同而小異焉

隋

隋書百官志上上州置刺史長史司馬錄事參軍
事功曹戶兵等曹參軍事法曹士曹等行叅軍典
籤州都光迎主簿郡正主簿西曹書佐祭酒從事
部郡從事倉督市令丞等員并佐史合三百二十
三人上中州減上州吏屬十二人上下州減上中
州十六人中上州減上下州二十九人中中州減
中上州二十人中下州減中中州二十人下上州
減中下州三十二人下中州減下上州十五人下

下州減下中州十二人

通典隋雍州置牧餘州並置刺史亦同北齊九等之制總管刺史加使持節至開皇三年罷郡以州

統縣自是刺史之名存而職廢

後雖有刺史皆太守之互名理一郡

而已非舊刺史之職按魏置使持節寵奉使官之任隋氏廢郡而後刺史牧人既非使官則合罷持節之稱其時制置不以名寔相副為意仍舊存之後改為太守亦復不省所以使持節之名及于邊

遠小郡乃不煬帝大業初為司隸臺大夫一人巡

察畿內其刺史十四人巡察畿外諸郡亦有六條

之制

與漢六條不同

從事四十人副刺史巡察每年二月

乘軺巡郡縣十月入奏

謹案杜佑言刺史察舉州郡至隋治人後雖有
刺史皆太守之互名蓋刺史之制至隋始變然
考煬帝初尚有刺史十四人巡察畿外諸郡蓋
開皇變制而大業尋復其止理一郡者乃唐代
之制非隋世盡然也考歷代刺史遞重遞輕之
故皆由積漸而成漢初監郡察郡秩止六百石

自後更為州牧後漢不入奏事不隸三公至劉
焉請重州牧之任魏晉因之有使持節都督持
節督之名此其漸而重也至隋之總管都督唐
之都督節度使為重之極焉晉武帝詔草漢李
之制刺史治民悉如漢初故事自後非要州則
為單車刺史沿至魏齊有下州刺史下州刺
史此其漸而輕也至隋始罷郡以州統縣刺史
為太守互名自後遂以為知州之稱并在郡守

之下為輕之極焉蓋極重則權同督撫而單車
刺史舉司道之職未嘗不存極輕則下並府州而
採訪按察轉運提刑諸使由是興焉此列代沿
革之大概故自隋以前之刺史雖其體制不盡
如今之藩臬而要有藩臬之職自唐以後之刺
史則竟同今之知府及直隸州矣今歷叙前代
刺史至隋而止并考証其沿革之大概至唐以
後則見於府州篇中不具列焉

唐

通典開元二十五年判定職次著為格令設官以
經之置使以緯之按察採訪等使以理州縣節度
團練等使以督府軍事租庸轉運鹽鐵青苗營田
等使以毓財貨其餘細務因事置使者不可悉數
其轉運以下諸使無適所治廢置不常

新唐書百官志觀察使副使支使判官掌書記推
官巡官衙推隨軍要籍進奏官各一人團練使副

使判官推官巡官衙推各一人防禦使副使判官
推官巡官各一人觀察處置使掌察所部善惡舉
大綱凡奏請皆屬於州○貞觀初遣大使十三人
巡省天下有巡察安撫存撫之名神龍二年以五
品以上二十人為十道巡察使按舉州縣再周而
代景雲二年置十道按察使道各一人開元二年
改曰十道按察採訪處置使至四年罷八年復置
十道按察使秋冬巡視州縣十年又罷十七年復

置十道京都兩畿按察使二十年改採訪處置使

分十五道

杜佑通典云治于所部之大郡

天寶末又兼黜陟使乾

元元年改曰觀察處置使

通典唐無州府之名而有採訪使採訪使有判官

二人

分判尚書六行事及州郡簿書

支使二人

分使出入職如推節度使之隨軍

官一人

推請獄訟

至德之後改採訪使為觀察皆并領

都團練使其僚屬隨時增置分天下為四十餘道

大者十餘州小者二三州各因其山川區域為制

諸道增減不恒使名沿革不一舉其職例則皆古之刺史云

舊唐書職官志防禦團練使至德後置防禦使以治軍事刺史兼之不賜旌節上元後改防禦使為團練守捉使又與團練兼置防禦使名前使各有副使判官皆天寶後置未見品秩

馬端臨文獻通考唐肅宗乾元初置團練使守捉使大領十州小者三五州代宗時元載當國令刺

史悉帶團練大率團練皆隸所治州歲以八月考其高下

新唐書百官志觀察使以豐稔為上考省刑為中考辦稅為下考團練使以安民為上考懲姦為中考得情為下考防禦使以無虞為上考清苦為中考政成為下考

文獻通考唐先天二年李傑

始名務先

始為水陸發運

使蓋始名之起開元二十一年裴耀卿以侍中充

江南淮南轉運使而崔希逸蕭旻為副蓋副使始
此天寶以韋堅充勾當轉運使第五琦充諸色轉
運使劉晏充諸路轉運使其後韓滉杜棕杜讓能
崔昭緯皆以宰相充使而諸道分置巡院皆統於
此○開元十年勅度支營田若一使專知宜同為
一額共置判官二人○開元十一年宇文融除勾
當租庸地稅使至德元載第五琦充江淮租庸使
永泰元年租庸使一切並停唯差判官一人巡官

二人催遣○建中二年初分置汴東西水陸運兩
稅使○開元十二年宇文融充諸色安輯戶口使
謹案唐代以刺史為郡守而諸道置使昉于貞
觀之遣使十三人巡省天下其後為巡察為按
察為採訪為觀察使名不同其職一也觀地理
志言採訪使如漢刺史六典言漢刺史如今之
十道使通典言觀察團練皆古之刺史則諸使
職掌實上承漢代刺史而與今之司道相等惟

節度使秉節專制如今之督撫耳其道為十道
為十五道十八道為四十餘道以漸而分亦後
日分道之所托始也謹以今制考之轉運租庸
兩稅戶口諸使如今之布政司其副使如今之
督糧道採訪觀察如今之按察使其副使亦如
巡道團練營田如今之兵備屯田諸道也又唐
代雖以刺史為郡守而職掌視今郡守為較重
舊唐書所載刺史歲巡屬縣觀風俗察官吏善

惡殊尤隨即奏聞所部有更改得以便宜從事
是州郡而寓諸使之職也至如防禦團練未嘗
別置各以治軍刺史兼領之是州郡而兼各道
之權也蓋唐諸使之設隨時遷革不為常制又
多為節度使之兼官故不得不寄其權于郡守
是亦一代制度之大略也

五季

文獻通考唐置諸道巡院五代罷巡院始置轉運

使

謹案五代官制史策不詳考其大略諸州皆統
兵事其諸使亦兼總於節度使馬端臨稱五代
罷巡院可類推也

宋

宋史職官志都轉運使轉運使副使判官掌經度
一路財賦歲行所部檢察儲積稽考帳籍凡吏蠹
民瘼悉條以上達及專舉刺官吏之事有軍旅之

事則供餽錢糧或諸路事體當合一則置都轉運使以總之若副使若判官皆隨資之淺深稱焉其屬有主管文字幹辦官各一員文臣準備差遣武臣準備差使員多寡不一

文獻通考藝祖懲五季之亂藩臣擅有財賦不歸王府乾德以後置諸道轉運使以總利權開寶六年廣南平除徐澤為判官蓋轉運判官始此兩省以上則為都轉運司又置副使與諸路判官又置

同勾當轉運使至道中詔曰天下物宜民間利病
惟轉運使得以周知令更互赴闕廷見詢問慶厯
中皆帶按察之任六年罷之熙寧二年詔轉運使
用本資序人即充資序下一等為權二等為權發
遣中興以來逐路都轉運使除授不常惟使副判
官常置

謹案轉運使掌一路財賦並舉察官吏實與今
之布政使職分相埒轉運之名雖肇于唐時然

不過以為一時之制宋則職專任重稱為漕司
終代不易名雖因而實則創也其同勾當轉運
事及副使如糧儲各道主管文字如經歷照磨
幹辦官則如理問都事諸職也

宋史職官志提點刑獄公事掌察所部之獄訟而
平其曲直所至審問囚徒詳覆案牘凡禁繫淹延
而不決盜賊逋竄而不獲皆劾以聞及舉刺官吏
之事舊制參用武臣熙寧初罷之紹聖初以提刑

兼坑冶事紹興初兩浙路以封疆濶遠差提刑二
員淮南東路罷提刑令提舉茶鹽官兼領蓋因事
之繁簡而損益焉乾道八年用臣僚言諸路經總
制錢并委提點刑獄官督責嘉定十五年廣西提
刑分下半年就鬱林州與靜江府兩處置司其
屬有檢法官幹辦官

文獻通考宋太祖淳化二年以司門員外郎董循
等一十一人分充諸路轉運司提獄刑獄四年省

真宗景德四年謂先帝常選朝臣諸路提點刑獄
遂復置之不隸轉運別為一司稍重其權矣當時
約束曰所至專察囚禁詳審牘州縣不得迎送聚
會所部每旬具繫囚犯由訊鞠次第申報當檢舉
催督在繫淹久者即馳往案問出入人罪者移牒
勘覆劾官吏以聞諸色詞狀逐州斷遣不當已經
轉運官披斷未允者並收接施行官吏貪濁弛慢
者具名以聞敢有庇匿並當加罪仍借緋紫以三

年為任增給緡錢如轉運使之數天禧四年加勸
農使俄改提點刑獄勸農使十年復置提點京畿
刑獄掌察所部疑留獄訟勸課農桑而按其官吏
之不法別其廉吏以達於朝元豐因之

玉海慶厯三年詔轉運使皆領按察使提刑不帶
使名亦準此歲具官吏能否以聞○轉運使副即
漢刺史唐觀察使之職

謹案宋監司以轉運及提刑為最重提刑實為

今按察使之職即所謂憲司也其始由轉運使兼管後遂專遣朝臣充之其逐州斷遣經轉運披斷未允者並收接施行亦可見其權之重矣既而以提刑兼勸農並督責諸路總制錢及兼提舉諸事蓋所職以刑獄為主而地方重務例得兼掌亦如今藩臬各司財賦刑名之事而地方重事會議舉行二司實相為聯係也提刑無副官其檢法官幹辦官如今知事及司獄之類

宋史職官志提舉常平司掌常平義倉免役市易坊場河渡水利之法視歲之豐歉而為之歛散以惠農民仍專舉刺官吏之事熙寧初先遣官提舉河北陝西路常平未幾諸路悉置提舉官元祐初罷之併其職于提點刑獄司紹聖初復置元符以後因之

文獻通考提舉即漢耿壽昌常平之任也自李愷制平糴之法漢人因之則謂之常平焉然漢人特

置倉而猶領之於大司農也宋朝淳化中建常平倉景祐元年令轉運司舉所部官專領之然猶隸漕臣熙寧遣使提領此蓋提舉常平之所始也九年府界畿內亦專置提舉常平倉一員不令司農丞兼領提舉常平司操常平歛散之法申嚴免役之政令治荒修廢賑民艱阨則隸提舉司歲察所部廉能而保任之若疲軟或犯法則隨其職事劾奏○提舉茶鹽司掌摘山煮海之利以佐國用○

都大提舉茶馬司掌權茶之利以佐邦用凡市馬於四夷率以茶易之○提舉三白渠公事掌醵泄三白渠以給關中灌溉之利

謹案宋職官之近于布政使者轉運而外有提舉諸官如常平倉庫固今藩司之專掌也常平提舉其始隸于漕臣其後亦或兼於憲臣領倉而兼以察吏且并掌役市坊場水利之法他如茶馬三白渠諸提舉與今日道員之佐司分職

者實為相當云

宋史職官志承宣使觀察使無定員政和中詔承宣觀察使仍不帶持節等防禦使團練使無定員

文獻通考宋朝沿唐制置諸州觀察使凡諸衛將

軍及使遙領者其資品並止本官叙

防禦團練使刺使亦同

祥符中詔觀察使並帶刺史

翰林學士陳彭年檢討唐以來故事觀察

使並合帶刺史詔自今除觀察使可兼領之

謹案馬端臨云觀察團練使在唐為監司至宋

則監司自有以名其官

謂轉運提刑

而觀察諸使皆

無職任蓋止為武臣及刺史所帶之官名而非唐之舊矣茲故錄沿襲之概而不著于表

宋史職官志幕職官簽書判官廳公事兩使防團軍事推判官觀察支使掌碑贊郡政總理諸案文移諸曹官舊制錄事參軍掌州院庶務糾諸曹稽違戶曹參軍掌戶籍賦稅倉庫受納司法參軍掌議法斷刑司理參軍掌訟獄勘鞠之事

文獻通考宋朝沿五代之制兩司置判官推官各一人餘州置判官各一人政和初自判官至諸曹改為士戶儀兵刑工曹掾建炎復舊制焉

謹案宋代轉運使提點刑獄皆以朝臣充無定品秩其觀察諸使則有定秩而實無專官即佐屬之判官推官皆係郡職而空帶諸使之銜未免名實不相符也今以非轉運提刑所屬不列于表

遼

遼史百官志南面官僚節度觀察防禦團練刺史
咸在方州如唐制也○觀察使職名總目某州軍
觀察使某州軍觀察副使某州軍觀察判官王鼎
清寧五年為易州觀察判官○團練使司職名總
目某州團練使某州團練副使某州團練判官○
南面分司官平理庶務採摭民隱漢唐以來賢主
以為恤民之令典官不常設有詔則選才望官為

之○分決諸道滯獄使聖宗統和九年命邢抱朴等五員又命馬守瑛等三員分決諸道滯獄○按

察諸道刑獄使開泰五年遣劉涇等分路按察刑

獄○採訪使太宗會同三年命珠格楞

蒙古語欺也原作于

骨都今改正

為採訪使○南面財賦官諸錢帛司職名

總目某州錢帛都點檢大公鼎為長春州錢帛都

提點○轉運使職名總目某轉運使某轉運副使

同知某轉運使某轉運判官

王圻續文獻通考遼南面有山西路都轉運使司
有奉聖州蔚州應州朔州保州西山各處轉運使
司官有轉運使轉運副使同知轉運使等員○遼
南面觀察使司中京道上京道東京道皆設觀察
使司○遼南面有按察諸道刑獄使有分決諸道
滯獄使官不常設有詔則選才望官以充之

謹案遼南面監司與宋制相近錢帛轉運為財
賦官分決滯獄按察刑獄為刑名官其大較也

然按察諸使因事出差，不常設。蓋如漢繡衣使者之比。而觀察使常設，則今日之按察使實其職也。王應麟《玉海》云：宋提刑即唐觀察之職。王圜《續通考》亦云：明設按察，即觀察使之職。參互以觀，則臬司之源流畧可睹矣。

金

《金史》百官志：都轉運使司正三品，掌稅賦錢穀倉庫出納權衡度量之制，同知從四品，副使正五品。

都勾判官從六品紀綱衆務分判勾案戶籍判官
二員從六品專管拘收徵尅等事度支判官二員
從六品掌勾判分判度支案事鹽鈇判官一員從
六品都孔目官二員勾稽文牘知法二員從八品
續文獻通考金初設轉運司後詔中外惟都轉運
依舊專管錢穀自餘諸路轉運皆兼於按察其都
轉運司有正使副使等員

金史百官志按察使本提刑司承安三年以上京

東京等提刑司併為一提刑司兼宣撫使勸農採訪事為官稱副使判官以兼宣撫副使判官為名承安四年改按察使正三品掌審察刑獄照刷案牘糾察汙官汙吏豪滑之人兼勸農桑與副使簽事更出巡案副使正四品兼勸農事簽按察司事正五品判官二員從六品知事正八品泰和八年以轉運司權輕州縣不畏不能規措錢穀遂詔中都都轉運依舊專管錢穀事自餘諸路按察使並

兼轉運使副使兼同知簽按察並兼轉運副添按
察判官一員為從六品添知事一員知法二員從
八品

續文獻通考金觀察使兼於節度使團練使金不
置

謹按金按察初名提刑實兼宣撫勸農之職其
後又兼轉運使其佐屬亦兼轉運副使是按察
之權在轉運之上此制之小異于宋代者也唐

金史卷之二十二
有按察使偶置而旋罷之今按察之名實自金始云

元

元史百官志行中書省每省參知政事二員從二品○宣尉司掌軍民之務分道以總郡縣行省有政令則布于下郡縣有請則為達于省其在遠服又有招討安撫宣撫等使品秩員數各有差等宣慰使司秩從二品每司宣慰使三員從二品同知

一員從三品副使一員正四品經歷一員從六品
都事一員從七品照磨兼架閣管勾一員正九品
凡六道○團練安撫勸農使司至正十八年九月
置奉元延安等處團練安撫勸農使司于耀州鞏
昌等處團練安撫勸農使司于邠州各設參謀一
人每道置使二人同知副使各一人檢督六人經
歷知事照磨各一人屯田使司至正十五年十二
月置軍民屯田使司于沛縣正三品

謹案元立行中書省其官自丞相平章左右丞而下有參知政事二員明初亦設之後罷行省改參知政事為左右丞宣布政使司是參知政事實布政使之所自來也至宣慰司之職布行省之政令於下而達郡縣之請於上亦如今兩司上承督撫下達府縣故並列焉團練安撫勸農以三使而併為一官如今各道之兼兵備屯田之制也至如招討宣撫設于邊郡與藩職少

異元史又有奉使宣撫詢民疾苦體察官吏而
黜陟之則偶一遣使非設官常制故不著於篇
轉運使司元代專以理鹺政與宋制異已別見
鹽政篇茲不復錄

元史百官志肅政廉訪使國初立提刑按察使至
元六年兼勸農事二十八年改按察使為肅政廉
訪使其後遂定為二十二道每道廉訪使二員正
三品副使二員正四品僉事四員兩廣海南止二

員正五品經歷一員從七品知事一員正八品照磨兼管勾一員正九品○內道八隸御史臺山東東西道濟南路置司河東山西道真寧路置司燕南河北道真定路置司江北河南道汴梁路置司山南江北道中興路置使淮西江北道廬州路置司江北淮東道揚州路置使山北遼東道大寧路置使江南十道隸江南行臺江東建康道寧國路置司江西湖東道龍興路置司江南浙西道杭州

路置使浙東海右道婺州路置司江南湖北道武
昌路置司嶺北湖南道天臨路置司嶺南廣西道
靜江府置司海北廣東道廣州路置司海北海南
道雷州路置司福建閩海道福州路置司陝西四
道隸陝西行臺陝西漢中道鳳翔府置司河西隴
北道甘州路置司西蜀四川道成都路置司雲南
諸路道中慶路置司

謹案王圻續通考曰廉訪之職與臺察相表裏

按治帥府漕司軍民司屬照刷諸司文卷責違慢官吏此殆如漢制之司隸校尉無所不糾其職重矣蓋金元之制提刑皆在布政之上兩史所載班班可考史又言按察使巡行郡縣除使二員留司副使以下每歲二月分按十月還司則視今之巡道其立法之意正復同焉

明

明史職官志承宣布政使司左右布政使各一人

從二 左右參政 品 從三 左右參議無定員 品 從四 參政

參議因事添設各省不等經歷司經歷一人 品 從六

都事一人 品 從七 照磨所照磨一人 品 從八 檢校一人

從九 理問所理問一人 品 從六 副理問一人 品 從七 提

控案牘一人司獄司司獄 品 從九 庫大使一人 品 從九

副使一人倉大使一人 品 從九 副使一人雜造局軍

器局寶泉局織染局各大使一人 品 從九 副使一人

所轄衙門 各省不同 布政使掌一省之政參政參議分守各

道及派管糧儲屯田清軍驛傳水利撫民等事併

分司協掌京畿

兩京不設布按無參政參議副使僉事故于旁近布政分公司帶管

經歷都事典受發文移照磨檢校典勘理卷宗理

問典刑名初太祖略定地方即置行省其官自平

章政事以下大略與中書省同洪武九年罷行省

改參知政事為左右承宣布政使司宣德三年除

兩京外定為十三布政使初置藩司與六部均重

布政使入為尚書侍郎副都御史每出為布政使

宣德正統間猶然自後無之○提刑按察使司按

察使一人

正三品

副使

正四品

僉事無定員

正五品

經歷

司經歷一人

正七品

知事一人

正八品

照磨所照磨一

人

正九品

檢校一人

從九品

司獄司司獄一人

從九品

按

察使掌一省刑名按劾之事副使僉事分道巡察

其兵備提學撫民巡海清軍驛傳水利屯田招練

監軍各專事置併分員巡備京畿明初置提刑按

察司吳元年置各道按察司十五年置天下府州

縣按察分司以儒士王存忠等五百三十一人為
試僉事人按二縣凡官吏賢否軍民利病皆得廉
問糾舉十六年罷二十九年改置按察分司為四
十一道宣德五年除兩京不置共為十三按察使

布政使參政參議分司諸道督糧道

十三布政使各一員督

冊道

江西陝西等間設

分守道浙江杭嘉湖道寧紹台道

金衢嚴道溫處道江西南瑞道湖東道湖西道饒
南九江道贛南道山東濟南道東兗道海右道山

西冀寧道河東道冀北道冀南道陝西關內道關

西道西寧道關南道河西道龍右道河南大梁道

河南道汝南道河北道湖廣武昌道下荆南道上

荆南道

兼兵備

荆西道

兼兵備

上湖南道下湖南道上

江防道下江防道福建興泉道福寧道漳南道建

南道汀漳道廣東嶺東道嶺西道羅定道嶺北道

嶺南道四川西道川北道上下川東道上川南

道下川南道廣西桂平道蒼梧道左江道右江道

貴州安平道貴寧道新鎮道思仁道雲南臨安道

騰衝道瀾滄道

以上或叅政或叅議

按察司副使僉事分司

諸道提督學道清軍道驛傳道

十三布政司俱各一員惟湖廣提學

二員浙江山西陝西福建廣西貴州清軍兼驛傳江西右布政司清軍

分巡道浙江

杭嚴道寧紹道嘉湖道金衢道江西饒南九江道

湖西道南昌道湖東道嶺北道山東兗州道濟寧

道青州海防道濟南道海右道海道登萊道遼海

道山西冀寧道冀南道雁門道陝西關內道關西

道隴右道河西道西寧道河南大梁道汝南道河

南道河北道湖廣武昌道荆西道上荆南道下荆

南道湖北道上湖南道下湖南道沅靖道福建巡

海道

兼理糧儲

福寧道興泉道建南道武平道漳南道

建寧道海道汀漳道廣東嶺東道嶺西道嶺南道

海北道海南道四川上東道下東道川西道川北

道下川南道上川南道廣西府江兵巡道桂林兵

巡道蒼梧兵巡道左江兵巡道右江兵巡道貴州

貴寧道思石道都清道

兼兵備

雲南安普道臨沅道

洱海道金滄道整飭兵備道浙江寧紹道嘉興道

溫處道台海道江西南瑞道廣建道山東臨青道

武德道曹濮道沂州道遼東道山西雁北道大同

道

二員

陽和道潞安道奇嵐道陝西肅州道固原道

臨洮道洮岷道靖遠道榆林中路道榆林東路道

寧夏河西道寧夏河東兵糧道莊浪道濮羌道潼

關道湖廣辰沅道河南睢東道福建兵備道巡海

道廣東南韶道南雄道四川松潘道威茂道建昌

道重慶道安綿道叙瀘道廣西分巡道兼兵備貴州

威清道畢節道雲南曲靖道其外又有協堂道副使

河南浙江間設水利道浙江屯田道江西南西河南四川三管河

道河南鹽法道撫治道陝西撫治商洛道湖廣又有撫民撫苗道監軍道

因事不常設招練道山東間設其北直隸之道寄銜于山東

者則為密雲道大名道天津道霸州道寄銜于山

西者則為易州道口北道昌平道井陘道薊州永

平等道南直隸之道寄銜于山東者太倉道潁州
道徐州道寄銜于浙江江西湖廣者蘇松道漕儲
道常鎮道廬鳳道徽寧池太道淮揚道按明初制
恐守令貪鄙不法故于直隸府州縣設巡按御史
各布政使所屬設試僉事已罷試僉事改按察分
司四十一道此分巡之始也分守起于永樂間每
令方面官巡視民瘼後遂定右參政右參議分守
各屬府州縣兵道之設仿自洪熙間以武臣疏于

文墨遣參政副使沈固劉紹等往各總兵處整理
文書商榷機密未嘗身領軍務也至弘治中本兵
馬文升慮武職不修議增副僉一員從之自是兵
備之員盈天下

續文獻通考團練使之職明設分巡兵備道以統
之兩京不設布按二使故督學以御史後置守巡
諸員無所屬則寄銜于鄰近省布按司官

謹案列代監司之職至唐宋而始分至前明而

始定然考明代經畫之大端尚多可議如直隸
近護畿服為萬國之法式藩臬不設何以敷治
法而作觀瞻直省中之疆宇濶遠事務殷繁者
限以十三司難免鞭長不及之患至如提學重
職而偏隸臬司河務鉅工而向乏專掌兩直之
寄銜他省亦參錯而不一此其制之未善者也
至于司道銓授之法其初尚由特簡如洪武間
潘原明之為雲南布政使

見獻
徵錄

儒士王存忠等

之試按察使僉事

見明史

猶存振厲之意至成化

丙戌以各省布按二司正貳官缺員數多始命

部院各舉所知仍命銓部內閣從公酌量定以

職事

見獻徵錄

自是以後推用惟委之吏部往往不

能得人或以需次較久者為之多衰曠不稱職

左右二司又每以意見不同互相掣肘道員則

尤多兼領職業不專縱弛之習日甚而吏治不

可復問矣我

朝初循舊制嗣改左右布政使為一人以專其責
任直隸則初設藩臬江南湖廣陝西分建二省
而江寧蘇州又各設布政使一員以著因地制
宜之法優道員之品秩均不帶藩臬銜而督學
有別置河道有專司

皇上慎簡人在俾膺重任兩司有闕俱奉

特旨除授地方利弊均許專摺陳奏督撫有措置未
協者或責以隨時匡正道員則由科道及各部

院司員之膺上考及知府中報政優最者

記名補放又於入謝時

親加誠勵無不仰承

聖訓感奮自效所以綱立紀陳旬宣奏績統屬正而
展布優吏治之蒸蒸日上盛洵非前代所可比倫
矣

欽定歷代職官表卷五十二